

Oelixdörper Lustgill vun 1539

Dat Fest geiht bi Sünneropgang mit den bekannten Rasendanz to enn!

De 10 Gebote för den Beerprövabend

- 1. Du schasst di nich an den Vörstandsdisch setten.** Bit to'n Sünnerünnergang is hier blot's Platz för den Öllermann, de Achtmänner, den Schriewer un den König.
- 2. Du schasst nich op de falsche Siet sitten.** De Fruunslüüd sitten (vun den Vörstandsdisch ut keken) op de linke un de Mannslüüd op de rechte Soolsiet.
- 3. Du schasst (sures) „Hamborger Beer“ pröben.** De Beerkrööge ward vun de Schaffer füllt un op de Gillkist afstellt. De Achtmänner, de een Taschenmess drägen mööt, schnied dorto de Zitronen för dat Beer spiralförmig in.
- 4. Du schasst nich mit dien Dischnover strieden.** Op dat Kommando vun den Öllermann ward de Krööge an de Dische verdeelt. Se ward vun de Mitglieder (Maaten) na't Drinken mit een Fuustslag op den Disch un den Roop „ Prost Broder“ oder „Prost Süster“ - so as de Klockenwieser löppt - wiedergeven. Sünd de Plätze links neben di free, musst du opstohn un den Kroog an den nächsten öbergeben. An den Vörstandsdisch mookt dat de Schaffer. Eenen leddigen Kroog warst du dörch den open stohen Deckel wies. De Schaffer bruukt dorto nich ropen warrn.
- 5. Du schasst de Wiewer wählen loten.** Den ganzen Obend is Domenwohl.
- 6. Du schasst mit den Vörstand danzen.** Is de Danz anfangen, versöök de Fruunslüüd alle Achtmänner un den Öllermann op de Danzfläche to'n Danz to holen. (König und Schriewer tellt nich.) Is de Vörstandsdisch leer, dröv de Gillkist „klaut“ warrn.
- 7. Du schasst de Kist wedder hergeben.** Markt de Öllermann, dat de Kist weg is, mookt he een Angebot um de Kist torüch to köpen. Meist eenigt man sick op so veel Buddels Wien, wie Fruunslüüd op de Gillkist 10 Sekunden lang stohn köönt.
- 8. Du schasst de Kist nich anfoten.** Is de Vörstand an'n Disch, dörv de Kist nich anfoot warrn.
- 9. Du schasst de Kist na Sünnerünnergang vun den Disch nehmen.** De Kist dröv blot's bit to'n Sünnerünnergang klaut warrn.
- 10. Du schasst nich mit den Öllermann diskereern.** In'n Twiefelsfall hett he jümmer Recht!

Öllermann Fritz Theede - 25524 Oelixdorf - Roggenhof 14